

Nahoana isika no mila mamaky Baibloly?

1. Ny Baiboly dia taratasim-pitiavana lava indrindra avy amin'Andriamanitra natao ho antsika.

- . Ampahafantaro ny lalanao aho, Jehovah ô; ampianaro ny sitrakao aho. ' (Salamo 25:4 MBP)
- . 'Izay soratra rehetra nomen'ny tsindrimandrin'Andriamanitra dia mahaso koa ho fampianarana, ho fandresen-dahatra, ho fanitsiana izay diso, ho fitaizana amin'ny fahamarinana, (2 Timoty 3:16 MBP)

2. Te hampahafantatra zavatra betsaka momba Azy amin'ny alalan'ny Baiboly Andriamanitra.

- . 'Fa Hianao, Tompo ô, dia Andriamanitra mamindrà fo sy miantra, Mahari-po sady be famindram-po sy fahamarinana. (Salamo 86:15 MBP)
- . 'Mahari-po Jehovah sady be hery Ary tsy mety manamarina ny meloka; Amin'ny tadio sy ny tafio-drivotra no lalan'i Jehovah. Ary rahona no vovoky ny tongony. (Nahoma 1:3 MBP)
- . 'Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. (Jaona 1:1 MBP)

3. Tiany holazainy amintsika ilay fitiavany antsika izay tena mahagaga tokoa.

- . 'Ary ny Teny dia tonga nofo ka nonina tamintsika; ary hitanay ny voninahiny, dia voninahitra miendrika ho an'ny Lahitokana avy tamin'ny Ray, sady feno fahasoavana sy fahamarinana. (Jaona 1:14 MBP)
- . 'Ary talohan'ny andro firavoravoana tamin'ny Paska, satria fantatr'i Jesosy fa tonga ny fotoana hialany amin'izao tontolo izao ho any amin'ny Ray, ary efa tia ny Azy izay amin'izao tontolo izao Izy, dia tia azy hatramin'ny farany. (Jaona 13:1 MBP)
- . 'Tahaka ny nitiavan'ny Ray Ahy no nitiavako anareo; tomoera amin'ny fitiavako ianareo. Raha mitandrina ny didiko ianareo, dia hitoetra amin'ny fitiavako, tahaka ny nitandremako ny didin'ny Raiko sy ny itoerako amin'ny fitiavany. (Jaona 15:9-10 MBP)

4. Tiany ho lazaina amintsika ihany koa ireo fitahiana sy ireo teny fampanantenana izay tiany homena antsika.

- . 'Isaorana anie Jehovah, izay nanome fitsaharana ho an'ny Isiraely olony araka izay rehetra nolazainy; tsy misy latsaka na dia teny iray aza tamin'izay teny soa rehetra nampilazainy an'i Mosesy mpanompony. (1 Mpanjaka 8:56 MBP)
- . 'ary izany no nahatanterahany amintsika ireo teny fikasana sady soa no lehibe indrindra, mba ho tonga mpiray amin'ny fomban'Andriamanitra amin'izany ianareo, rehefa afa-nandositra ny fahalotoana izay eo amin'izao tontolo izao noho ny filàna; (2 Petera 1:4 MBP)
- . 'Ary izao no teny fikasana izay nataony tamintsika, dia ny fiainana mandrakizay. (1 Jaona 2:25 MBP)
- . 'Isaorana anie Andriamanitra, Rain'i Jesosy Kristy Tompontosika, Izay nitahy antsika tao amin'i Kristy amin'ny fitahiam-panahy rehetra any an-danitra, (Efesiana 1:3 MBP)

5. Mbola tiany holazainy amintsika ihany koa ny drafitra mahatalanjona nataony ho ahy sy ho anao.

- . 'Ny fisainan'i Jehovah maharitra mandrakizay, ny hevitra ny fony mahatratra ny taranaka fara mandimby. (Salamo 33:11 MBP)
- . 'Fanilon'ny tongotro sy fanazavana ny lalako ny teninao. (Salamo 119:105 MBP)
- . 'ary ny hampahazava ny olona rehetra mba hahalalany izay fitondrana ny zava-miafina, dia Ilay voafina hatramin'ny nanaovana izao tontolo izao tao amin'Andriamanitra, Izay nanao ny zavatra rehetra; (Efesiana 3:9 MBP)
- . 'Koa soraty izay zavatra efa hitanao, na izay zavatra ankehitriny, na izay zavatra mbola ho avy rahatrizay, (Apokalypsy 1:19 MBP)

6. Tiany ho fantantsika fa ny lanitra dia fonenantsika, eny ! fonenana fahafinaraitra, ary tiany holazaina amintsika fa indray andro any dia hira-honina Aminy any amin'izany fonenana mahafinaritra izany isika.

- . 'Kanefa isika, araka ny teny fikasany, dia manantena lanitra vaovao sy tany vaovao, izay itoeran'ny fahamarinana. (2 Petera 3:13 MBP)
- . 'Ary hoy Ilay mipetraka eo ambonin'ny seza fiandrianana: Indro, havaoziko ny zavatra rehetra. Ary hoy koa Izy: Soraty; fa mahatoky sy marina ireo teny ireo. (Apokalypsy 21:5 MBP)
- . 'Ary nitondra ahy tamin'ny Fanahy ho any an-tendrombohitra sady lehibe no avo izy ka naneho ahy ny tanàna masina, dia Jerosalema, midina avy tamin'Andriamanitra any an-danitra, ' ... (Apokalypsy 21:10 – 22:6 MBP)

7. Amin'ny alalan'ny Baiboly no hampianaran'Andriamanitra antsika ny fomba handresena ireo fahavalontsika.

Ary tsy izany ihany, fa hiara-hipetraka Aminy eo amin'ny seza fiandrianana isika.

Ho toy ny mpanjaka be voninahitra isika ! oh ! efa mba nosaintsaininao ve izany hoe ianao ho tonga mpanjaka izany ?

- . 'Indro, efa nomeko fahefana hanitsaka menarana sy maingoka sy handresy ny hery rehetra ananan'ny fahavalo ianareo, ka tsy hisy hampaninona anareo akory. (Lioka 10:19 MBP)
- . 'Ary ankehitriny izaho manolotra anareo ho amin'Andriamanitra sy ho amin'ny tenin'ny fahasoavany, izay mahay mampanandroso sy manome lova anareo eo amin'izay rehetra nohamasinina. (Asan'ny Apostoly 20:32 MBP)
- . 'Ka dia maneke an Andriamanitra ianareo; ary manohera ny devoly, dia handositra anareo izy. (Jakoba 4:7 MBP)
- . 'ary apetraho aminy ny fanahianareo rehetra; fa Izy no miahay anareo. Mahon'ona tena, miambena: fa ny devoly fahavalonareo mandehandeha tahaka ny liona mieronana mitady izay harapany; (1 Petera 5:7-8 MBP)
- . 'Izay maharesy dia havelako hiara-mipetraka amiko eo ambonin'ny seza fiandrianako, dia tahaka ny nandreseko kosa sy ny niarahako nipetraka amin'ny Raiko eo ambonin'ny seza fiandrianany. (Apokalypsy 3:21 MBP)
- . 'Ary izy ireo naharesy azy noho ny amin'ny ran'ny Zanak'ondry Sy ny teny filazana Azy, (Apokalypsy 12:11 MBP)

8. Rehefa mamaky Baiboly isika dia hahalala zavatra momba an'Andriamanitra be be kokoa. Ary arakaraka ny hahafantarantsika Azy be be kokoa no hampitombo ny hafaliantsika.

- . Ary hiravoravo amin'ny didinao aho Satria tiako ireny. — (Salamo 119 : 47 MBP)
- . Hitako ny teninao ka nohaniko, ary ny teninao no fifaliako sy firavoravoan'ny foko; Fa nantsoina tamin'ny anaranao aho, Jehovah, Andriamanitry ny maro o. (Jeremia 15 : 16 MBP)
- . Fa izay rehetra voasoratra fahiny dia nosoratana ho fianarantsika hananantsika ny fanantenana amin'ny faharetana sy ny fiononana avy amin'ny Soratra Masina. (Romana 15 : 4 MBP)

9. Rehefa mamaky Baiboly isika dia tsy hoe mamaky soratra fotsiny akory, fa afaka misaotra Azy isika ary afaka miresaka Aminy isika amin'ny alalan'ny zavatra izay novakiantsika tao.

- . Ary raha nandeha izy ireo, dia niditra teo amin'ny vohitra anankiray Jesoa; ary nisy vehivavy anankiray atao hoe Marta nampiantrano Azy ho ao an-tranony. Ary izy nanana rahavavy atao hoe Maria, izay nipetraka teo anilan'ny tongotry ny Tompo ka nihaino ny teniny. Fa Marta sahirana tamin'ny fanompoana be; dia avy izy ka nanao hoe: Tompoko, moa tsy mampaninona Anao va ny amelan'ny rahavaviko ahy hanompo irery? koa mba asaovy manampy ahy izy. Fa ny Tompo namaly ka nanao taminy hoe: Marta, Marta, maro ahina sy maro herehina ianao; nefa zavatra iray loha no ilaina; fa Maria no efa nifidy ny anjara tsara, izay tsy halaina aminy. (Lioka 10 : 38 - 42 MBP)
- . Dia niresaka hoe izy: Tsy nangorakoraka va ny fontsika, raha niresaka tamintsika teny andalana Izy ka namoaka ny hevitra ny Soratra Masina tamintsika? (Lioka 24 : 32 MBP)
- . Aoka ny tenin'i Kristy hitoetra betsaka ao aminareo amin'ny fahendrena rehetra, dia mifampianara ka mifananara amin'ny salamo sy ny fihirana ary ny tonon-kiram-panahy, mihira amin'ny fahasoavana ao am-ponareo ho an'Andriamanitra. (Kolosiana 3 : 16 MBP)

10. Arakaraka ny hamakiansika Baiboly no mampitombo ny finoantsika sy ny fifaliantsika ary ahafahantsika mandresy ihany koa.

- . Fa ny lalàn'i Jehovah no sitrany; eny ny lalàny no saintsaininy andro aman'alina. Dia tahaka ny hazo ambolena eo amoron'ny rano velona izy, izay mamoa amin'ny fotoany, ny raviny koa tsy mba malazo; ary ny asany rehetra dia ataony lavorary avokoa. (Salamo 1 : 2 - 3 MBP)
- . Tsy misy tsiny ny lalàn'i Jehovah, mamelombelona ny fanahy; mahatoky ny tenivavolombelon'i Jehovah, mahahendry ny kely saina. Mahitsy ny fandidian'i Jehovah, mahafaly ny fo; madio ny didin'i Jehovah, mampahazava ny maso. Madio ny fahatahorana an'i Jehovah, maharitra mandrakizay; marina ny fitsipik'i Jehovah, eny, mahitsy avokoa. (Salamo 19 : 7 - 9 MBP)
- . Ny didinao mampahahendry ahy mihoatra noho ny fahavaloko, Satria ato amiko mandrakizay ireny. (Salamo 119 : 98 MBP)
- . ka ho fantatrareo ny marina, ary ny marina hahafaka anareo tsy ho andevo. — Jaona 8 : 32 MBP)
- . Ary satria tsy mba nalemy finoana izy, dia nihevitra ny tenany izay efa hoatra ny maty (fa efa tokony ho zato taona izy) sy ny fahafatesan'ny kibon'i Saraha, ary tsy niahanahana ny amin'ny teny fikasan'Andriamanitra tamin'ny tsy finoana izy, fa nampaherezin'ny finoana ka nanome voninahitra an'Andriamanitra, ary natoky indrindra fa izay nolazainy dia hainy hatao koa. (Romana 4 : 19- 21 MBP)